

671.3410
074
14

固始縣志
卷五

原书缺页

原书缺页

鄉鎮里保市集邨莊第八

卷九

疆里古蹟陵墓寺觀第九

卷十

祠廟上第十

祠廟下第十一

卷十一

衙署倉廩驛遞第十二

卷十二

典禮第十三

卷十三

賦役第十四

卷十四

歲時風土禮俗物產第十五

卷十五

大事表第十六

卷十六

五等表第十七

原书缺页

原书缺页

卷二十五

列女第二十八
賢母 貞節 貞烈 孝淑

卷二十六

列傳藝文第二十九
列女藝文附

重修固始縣志

卷五

邑令武進謝聘修

水利第五上

清河

史河東分二支上一支曰清河諸閘壩列後

上閘一名均濟閘三空如橋縣治堂左尚有石刻均濟
閘澆灌之圖自史河南遷遂廢康熙二十九年知縣
楊汝楫新開龍潭集捐金建寺一所前立大王殿蓋
以鎮水也顏其額曰龍潭水從寺西入中閘凡後閘

壩以及溝中之溝洫中之洫俱親身相視築濬

明林孟和均濟閘記由固陵而南五十里許清河截河
上流有石峻增修削突立而盤踞者三若陝之砥柱
洛之龍門雖大小不同其出天造地設均也古人嘗
因石為閘水盈縮消長係焉其建置歲月漫不可攷
洪武初嘗經營以肅水禁選耆舊解事而公者為閘
長少壯善水者為從役專主啟閉若閘之上流水源
出亂山之中注于史河其下為清河河兩岸分而為
塘為溝凡塘十有八溝倍之皆選土著之民充塘溝

之長而總制于王晉國者冬則閉閘蓄水以防旱
歉春夏則啟閘洩水以均灌溉由閘而河由河而塘
而溝櫛比而下以次受水豈敢爭者其所利以人計
無慮萬有餘口以戶計無慮千有餘家以田計無慮
百萬餘畝地力所產固無算也歲久閘弊板木朽敗
禁弛約鮮水橫溢為患遇旱視強弱遠近為盈縮訟
牒旁午厯有年所竟未有復者可慨歎矣成化十五
年己亥巡撫都憲隆慶李公節鉞按河南詢民間之
廢事而修舉之尤以水利為急聞此閘廢久若不遑

食者乃下其事于郡汝寧郡守錢侯奉命惟謹亟薦
京口湯君董其事君乃因石為基別伐石補砌兩岸
度水為板枋鳩集受利之家出力經營不旬日而功
告成蓋由上濬其水源之所發使無泛溢衝決之患
下疏其支派之所分使無停滯偏枯之病是不徒治
閘水亦順焉役出于人心之所樂從費不取給于官
帑事竣具水圖功次馳報行臺公為欣然若釋重負
遂立石以誌永久欲彰前人之功于不泯而激勸後
之人于無窮也孟和過汝侯以記見屬鳴乎夫天下

之水惟岷嶓之江昆侖之河耳然以河視江尤為難
治然以諸河視河雖衝潰移徙無常而其源委經制
坦然明白尚有可據以成功者諸河雜出於溪澗巖
壑溝瀆之所萃蜂窠蜈足漫無端倪而雷噴風馳于
暴雨之後勢難約束故視大河不幾為尤難乎今公
因閘以治河因河以治閘閘成河復順流河順閘可
久遠啓閉有期旱澇有脩禁嚴而益彰利周而有序
田畝以治賦稅以足民食以充戶口以增爭訟以息
風俗以厚豈細故哉是固所當計也李公名衍登辛

未進士第錢侯名鉞登甲申進士第湯君名敬由監
發身咸有績可書者此特其一云

中間楊公重修名清河閘東一入捻堤溝約長二里一
入洪家溝約長三里一入閻家高溝約長三里一入
張熊二溝約長十五里西一溝由張家溝入上勝湖
一溝由毛令公廟入中勝湖約長十五里一北入祝
家長溝直行康家谷堆約長十五里內有汪閻黃三
閘東行一汪家閘由澗城陂入夾河至牌樓約長三
十餘里一閻家閘由錢家廟北行至老澗窪約長三

十里一黃家閘由浪子塘斜陂塘泗洲廟前分三岔
一至薛家堆一至王家樓一至破塘橋俱合胡家長
溝尾老澗窪歸總約長二十五里又廟西龍進溝約
長四里西北行胡家長溝一入康家口約長半里一
入熊晉溝約長七里一入閘家塘袁家埧下蘆溝約
長五里一北行胡家廟由新塘至破塘橋歸老澗窪
長二十里

明羅鼎中閘記閘之設均水利以濟民也中之名本土
閘以為言也蓋肇自楚之孫公漢之劉馥其經畧之

方啓閉之節蒙惠之家詳見于上閘記而此舊無記也然上閘之水非中間不能均蓋閉則水可東北而上者資之啓則水可西南而下者資之且勢如建瓴猛如奔豕水利之機要在乎此而易壞者亦在乎此也自昔以至于今興廢者屢矣率皆無大裨于民正德間迹將湮沒大旱而不蒙涓滴之惠者甚矣越嘉靖甲申桐城李公來官首詢民瘼得之方擇義官王珪修之授以方略又水少分其惠以總壩之民且命之以為經久計不可惜小勞費是以歷數年公陞去

而水之為利自若也民思其德立石請予為之記
辛巳進士字德儀諱鳳來

舊譚家閘久廢新修柳溝橋側閘西南入王和尚橋
武莊灌下勝湖西北入柳溝由羅家壩至五河堰約
長十里此橋名兩便橋有碑記

國朝楊汝楫新修柳溝口兩便橋記橋何以兩便名蓋利
達而兼利田也中閘而下舊有譚家壩障水入下勝
湖而史河南遷清淤而不行故譚家壩亦廢乃柳溝
畫然行道之人難之前明段宦者取壩之廢石增而